



Anthon Frederiksen  
Inatsisartunut ilaasortaq, Partii Naleraq  
/Her

## § 37-mut akissut nr. 2017/190 Københavnnimi Kalaallit Peqqissartut Illuat pillugu

09-08-2017  
Sags nr. 2017 - 16616  
Akt nr. 5908279

Aallarniutigalugu Inatsisartut suleriaasiat § 37 malillugu Københavnnimi Kalaallit Peqqissartut Illuat pillugu apeqquateqaatinnut qujavunga.

Postboks 1160  
Tlf: 34 50 00  
Fax: 34 55 05  
3900 Nuuk

Email: pn@nanoq.gl  
www.naalakkersuisut.gl

### 1. Sooruna danmark-imi napparsimasut angerlarsimaffianni kalaallit napparsimasut kalaaliminernik nerisinnegassaarsimasut ?

Københavnnimi Peqqissartut illuata napparsimasut nerisassanik sungiusimasaminnik pisariaqartitsinerat kissaataallu piareersimaffigaa. Iggavimmi sulisut nerisassiornermut ikiortitut tamarmik ilinniagallit nerisassiat tamatigoortut, tulluarsakkat assigiinngitsullu napparsimasut pisariaqartitaat assigiinngitsunillu nappaatigisaat suussusersineqarnikut tunngavigalugit kalaallit qallunaallu nerisassiaanik nerisassiorartut. Taakkua saniatigut peqqissartunut immikkut nerisassiat il.il. piareersarneqartartut. Assersuutigalugu katsorsartinnerup nalaani katsorsartittut nereriaasiat pisariaqartitaallu allannguuteqartarmata ataavartumik ineqartut nerisassanut tunngatillugu oqaloqatigineqartartut.

Peqqissartut illuat Lilleholm-imut (pisiortorfik aalajaatsoq akuerisarluk) kalaaliminernik inniminniisarloq – tassani apeqquataavoq ukiup qanoq ilinerata nalaani nerisassat suut pisiarineqarsinnaanersut aamma piniartunit aalisartunillu suut tunisassiarineqarnersut. Nalinginnaasumik puisip, umimmaap, savap tuttullu neqaanik pisiniartoqartarloq aammalu panertuliat qallersuutissallu pisiarineqartarlutik.

Aalisakkanit tunisassiat Royal Greenlandimit pisiarineqartartut tassaanerullutik suluppaakkat, saarullit, qalerallit, kapisillit pujuukkallu.

Kalaalimerngit tamarmik qerisuusarput, nerisassarlu apeqquataalluni sumi pisiarineqarsimanersoq mamassusaanut sunniuteqartarloq kiisalu aamma qaammatini arlalinni qerititsivimmiittarnera mamassusaannut sunniuteqartarloq. Najugaqartut amerlanerit kalaalimerngit nutaajutillugit sungiusimalluarpaat taamaattumillu mamassutsimut pakatsisinnaasarlutik. Katsorsartinneq ingerlanneqartillugu tassungalu sunniutaat soorlu assersuutigalugu kemortinnerup stråltinnerulluunniit aammalu nakorsaattukkat kingunerinik tarnikkullu attortissimaneq tunngavigalugu napparsimasunut ataasiakkaanut annertuumik mamassutsinut sunniuteqaqataasinnaasarput.

Kalaaliminernik igasussaqaartillugu igaffimmi sulisut najugaqartut ilaat isumassarsiorfiginiarlugit apersortarpaat aammalu akusasaanik kissaateqarnersut paasiniaaffigisarlugit.

Najugaqartut Kalaallit Nunaat tamakkerlugu aggersuupput taamaattumillu aamma inuit ataasiakkaat kalaaliminernik nerisassioriaatsinullu kissaataat assigiinngissinnaasarpur suminngaanneernernerat apeqquataasarluni taamaalillutillu aamma mamassutsit sungiusimasaminngaanniit allaanerusinnaallutik.

Taakkua saniatigut igaffimmi sulisut igariaatsinik igaallu qanoq kissassuseqarsinnaaneranik qallunaat inuussutissanik pisortaqaarfinit maleruagassaat malittussaavaat.

Nassiussat apeqquataallutik sapaatip akunneranut marloriarluni pingasoriarluniluunniit kalaaliminernik igasoqartarpoq, tamannalu kalaallit nunatsinni peqqinnissaqarfimmit allaanerungilaq. Assersuutigalugu 2016-mi kalaalimerngit 1.079,5 kg. eqquusuunneqarsimapput.

## **2. Danmark-imi napparsimasut angerlarsimaffianni pissutsit, Savalimmiormiunut sanilliullugit suut pitsaaneruppat imaluunniit suut ajorneruppat ?**

Ullut tamaasa Danmarkimii Savalimmiunut aallartoqartarmat angalanissamullu billetsit akikinneerarsuummata Savalimmiuniit napparsimasut sivikinnerusumik akunnittarfimmi najugaqartarput, taamaasilluni Savalimmiormiut Peqqissartut akunnittarfiata Kalaallillu Peqqissartut Illuata, kulturi oqaatsillu tunngavigalugit, assigiinngissutaat suunersut akiuminaassinnaavoq pissutsit ikiorsiissutinullu pisariaqartitat assigiinngitsuummata. Akerlianilli napparsimasut kalaallit peqqissartut Peqqissartut Illuanni sivisunerungaatsiartumik najugaqartarput Kalaallit Nunaannullu angalaneq akisunerungaatsiarmat angalanerlu sivisunerulluni napparsimasumut pisariaqanngitsumik qasutitsisinnaasumik. Taamaattumik angallassinikkut ingerlatseriaatsinut piunasaqaatit assigiinneqqaat.

Aammattaaq savalimmiormiut Danmarkimi suminngaanniit sumullu ingerlaarnermi ileqqulersuutit oqaasiilu sungiusimaneruaat, kalaallillu napparsimasut amerlanerit siusinnerusukkat Danmarkimiinneq ilisimasaqarfiginagu suminngaanniit sumullu ingerlaarnermi oqaloqateqarniaraangamilluunniit ileqqulersornermilu ikorfartorteqarnissamik pisariaqartitsinerat annerusarluni.

## **3. Kalaallit danmark-imi katsorsartikkiartorlutik ilaquataasa napparsimasup Rigshospitalimi allamiluunniit suliaritinnerata nalaani Napparsimasut angerlarsimaffianniit anisinneqaannaratik allami unnuinissamut qanoq periarfissaqartinneqarpap ?**

Kalaallit Peqqissartut Illuata maleruagassat 1. Januar 2017-meersut malinneqarnissaat qulakkeertussaavaa, ilaatigut Peqqissartut Illuaniittut ilaquataat ineqarsinnaannginneranut malittarisassaq.

Napparsimasoq napparsimavimmut unitsinneqarpap qanigisaasoq aqagumut najugaqarsinnaatitaajuarpap, tassani napparsimavik peqatigalugu uninnganissap sivisussusaa qulaajarneqartarpap. Uninnganeq ulluni arlalinni pissappap qanigisaasoq inissaqassappap akiliilluni Peqqissartut Illuani najugaqarsinnaavoq.

Ineeqqat napparsimasut salliutillugit atugassaammata tamatigut Peqqissartut Illuanni inissaqartoqarneq ajorpoq taamaattumillu qanigisaasut unnuiffissaasinnaasunik ujarleqquneqartarput. Peqqissartut Illuat unnuiffissarsiornermi qanigisaasunut ikiuisinnaavoq aammalu ilaatigut kommunerisamut akiliunneqarnissamut qinnuteqaammik ikiuisinnaasarluni. Peqqissartut Illuat napparsimasut paaqqutarineqarnissaminnik pisariaqartitsisut inissaqartissinnaanngilai qanigisaasut allamut inissinneqanngippata.

**4. Kalaallit danmark-imi katsorsartittut ilaqutaannut unnuiffiusinnaasumik kommunit suleqatigalugit pilersitsisinnaaneq Naalackersuisunit eqqarsaatigineqarsinnaavaa ?**

Peqqissutsimut Naalackersuisoqarfiup Københavni Kommuneataatsimeeqatiginikuuaa Kalaallit Peqqissartut Illuani pisariaqartitat assigiinngitsut suleqatigiinnissaanut pilersitsiniarluni, ilaatigut Kommunip kulturikkut sunngiffimmilu immikkoortortaqarfia peqatigalugu.

Tassunga atatillugu kalaallit napparsimasut qanigisai unnuiffiginnaasaanik periarfissanik eqqartuisoqanngilaq.

Inussiarnersumik inuulluaqqusillunga  
Med venlig hilsen

Agathe Fontain